

國  
朝  
詞  
綜  
補

國朝詞綜補卷三

無錫丁紹儀杏舫輯

蔣漢紀 一首

劉榛 一首

易宏 一首

錢德震 一首

吳懋謙 一首

周積忠 一首

陸繁昭 一首

狄循厚 一首

單昭儒 二首

蔡文熊 一首

陳孝逸 一首

黃京 一首

吳湛 一首

孫以鏞 一首

毛岵 一首

束廣 一首

吳白涵

一首

儲福宗

一首

儲福觀

一首

賀國璘

一首  
補詞

周志嘉

一首

王堯臣

一首

蔡方炳

一首

沈永啟

一首

宗元鼎

一首

儲貞慶

一首

王曜升

一首

陳澤

一首

李蕪

一首

徐翺鳳

一首

沈嘉詔

一首

孟士楷

一首

陸祖琳

一首

徐恪

一首

黃雲

一首

周而衍

一首

李應機 一首

司旭 一首

鄭人表 一首

趙炎 一首

韓雲 一首

王灝 一首

方中發 一首

邱乘 一首

計敬 二首

柳星 一首

曹國渠 一首

郭輔堯 一首

蔣漢紀 字澄波仁和人諸生

摸魚兒 春盡日

問東風、是何心意、催成春色。如此淺紅深白、纔經眼、又見紛飛成隊。空屈指、最可惜韶光九十如流水。淒涼何

似更拘得鶯兒鎖。將燕子春卻杳然矣。春易盡。須趁春光佳麗。踏青鬪草。閒戲愁中病裏。都孤負。還向雕闌獨倚。魂銷未。誰信道。遊絲只把楊花繫。平蕪無際。但一線斜陽。幾行疎柳。杜宇又啼碎。

劉

榛

字山蔚  
商邱人

最高樓

九日登振衣樓

疎嬾久。強起一登臨。秋色恁蕭森。西風催送遙山暝。東籬已有早霜侵。聽聲聲。何處笛。幾家砧。目不管煙燒。素塞黑。耳不管笳吹。衡岳坑。且歡樂。趁如今。孟嘉自分無須帽。陶潛何必果能琴。夜初長。歌再發。酒重斟。

易

宏

字渭遠號秋溪新  
會人有坡亭詞

卜算子

螢火檻邊明煙鎖空林靜靜倚闌干夜色寒山暝花無  
影寂寞剔孤燈往事休重省紙帳梅花入夢遲一枕  
西風冷

錢德震

字武子江  
南華亭人

玉樓春

白蘋洲上西風急睡起登樓心尚怯殘蟬猶抱斷柯嘶  
落葉爭從枯澗集青山無恙人輕別一片秋聲聽不  
得采菱歌散晚霞收冷浸寒波今夜月

吳懋謙

字六益江蘇華亭人

菩薩蠻

傷心莫看樓頭月雲窗黯淡銀燈滅惟有薄羅裳愁人  
共夜涼風吹鈴索動驚醒鴛鴦夢香冷倩誰溫更闌  
靜掩門

周積忠

字子厚婁縣人

生查子

昔歲見君時兩兩飛春蝶同倚玉紗窗不道還離別  
今日送君行柳絮飄如雪酒後憶前情那忍看明月

陸繁昭

字拒石仁和人

點絳脣

題陳君迦陵填詞圖

沒處相逢誰知相見丹青裏含毫拂紙多少閒情寄

荷雨初涼湛湛吳江水闌干倚暗添愁意間有來鴻未

狄循厚

字公載  
江都人

蘇幕遮

片帆遙雙槳急便欲留伊留也如何得望裏雲山偏咫尺燕去鴻來做就愁如織繡牀閒羅袂溼金鴨香寒守到天將黑怨煞長堤芳草色幾樹殘陽滿眼春蕪碧

單昭儒

字孝求婁縣人諸生  
有讀易堂集附詞

漁家傲



三月天桃紅似錦  
花風吹送春歸信  
又見廉纖飄陣陣  
清和近雕梁  
燕壘香泥沁  
麥秀時光寒  
尙嫩袂衣初  
試冰肌潤爲底  
雲鬢慵不整  
重門靜小園閒  
煞秋千影  
點絳脣重九前日有感

佳景良辰來朝差  
喜題糕健澄江如練  
微覺沙痕淺  
笑採黃花待把清尊薦  
情何限霜風撲面望斷西來雁

蔡文熊

字紹蘭  
丹陽人

蝶戀花

細屑香塵曾學步  
鏡影圓冰相對憐  
遲暮風定危花安  
不住春歸可肯攜愁去  
悄捲珠簾新月度  
小疊紅箋

自署辛酸語柳樣眉痕蕉樣緒銷魂人在銷魂處

陳孝逸

字少游  
臨川人

虞美人

題宋宮人墓

春風夜月年年度道是埋香處胭脂幸免葬龍沙留與  
行人指點玉鈎斜梨花寒食添悽切滿地飛蝴蝶羅  
裙一色繡春蕪誰念六陵無樹可栖烏

黃

京

字初子太倉人  
有續花庵詞

鳳凰臺上憶吹簫

斜日初黃冷煙凝紫望中景物俱秋怕愁來有路早下  
簾鈎怎奈啼蛩四壁多少恨又到心頭無情緒漫添麝

屑細熨鴛鴦。休休。征鴻過也。千萬種離懷。欲訴無由。  
但舉杯邀月。對影相酬。漏盡更殘時候。闌干外。香霧空  
浮。憑消受。紗窗冷落。紙帳清幽。

吳

湛字又鄴  
宜興人

百字令

西風初起聽誰家。擣練聲聲響徹。勾引離人多少恨。又  
早露凝霜白。叵耐年年照人無寐。總是清秋月。相逢鄰  
叟。莫將喪亂重說。際此兵氣銷沈。蘆簾紙閣。稱長齋  
持偈。卻憶年時珠海上。畫舫歡游時節。笑插黃花醉牽  
紅袖。狂把長鯨掣。可堪回首。繁華如夢。銷歇。

孫以鯨

字和叔  
武進人

臨江仙

遙岫癡雲凝未散  
茶煙半溼空濛  
聲聲滴碎綠蕉叢  
一簾榆莢雨幾陣  
藕絲風  
窗貯膽瓶花露  
暗午衙不放  
黃蜂苔錢添碧  
襯殘紅  
芹泥融燕壘  
灘樹挂魚筒

王

岵 字孝瞻  
山陰人  
有煮字窩詞

浣溪紗

庭院深深曲徑幽  
青銅靜掩兩眉修  
梨花如雪撲簾鉤  
燕拾新泥歸舊壘  
蝶尋殘蕊過重樓  
沈檀細炷裊閒

愁

東

廣

字雲庵丹陽人貢生有池上生詞

生查子

春日正芳妍春夢迷蝴蝶入柳又穿花去去輕如葉  
不省路途長不畏關山隔無賴是黃鸝喚起空愁絕

吳白涵

以字名宜興人有狎鷗詞

剔銀燈

寒檠

耐盡寒宵滋味。卻只是一龕斜背。低映鴛幃。高檠鳳足。  
不是年來情思。支頤憑几。且留待竹鑪茶沸。冷冷清  
清如此。好箇愁人天氣。欲暗還明。頻挑不爇。似這病懨  
懨地。霜風又起。早逼得光兒愈細。

儲福宗

字天玉  
宜興人

沁園春

寄越生山居

所謂伊人我欲從之山阿水湄縱桃開千樹津迷難覓  
菊荒三徑日涉堪陪喚取樵青相攜飯犢一曲狂歌歸  
去來前盟在只七松五柳儘足徘徊滑稽玩世休猜  
笑出岫雲輕去不回头看腳靴手板登場傀儡珠樓綺閣  
轉眼蒿萊萬事滄桑百年泡影有底閒愁掃不開春來  
也且提壺挈榼共醉新醅

儲福觀

字耀遠  
宜興人

點絳脣

秋感

啼倦寒螿一襟秋思憑誰道綺窗人杳長徧紅心草

不聽琵琶已被離愁繞西風峭敝衣茸帽人在天涯老

賀國璘

字天山丹陽人諱生有飛鴻閣詞

滿江紅 答友

咄咄書空曉人意不應如此悔往日百端交集都無一  
是世事原同蕉鹿幻此身合向漁樵寄念浮生最誤是  
浮名君知未 斑衣舞慙甘旨牛衣泣慙青紫便馬牛  
呼我不妨唯唯隱几且同南郭睡登高漫灑西風淚問  
男兒不朽事如何空言耳

周志嘉

字嵩庵鄞縣人

踏莎行

秋雨殷勤。秋風聒絮。秋懷歷亂臨歧處。泥深石滑徑崎嶇。蹇驢雖住心難住。輾轉風塵。沈酣霜露。蕭疎雙鬢如殘樹。黃金臺自昨年歸。黑貂裘又明朝去。

王堯臣

字聖佐  
慈溪人

千秋歲

次韻贈王丹麓

年華頻換轉。眼浮生半驚。歲序鳴禽變。自耽天爵貴。莫笑儒冠賤。行樂處。江湖到處留詩卷。漫道春風宴。猶是花撩亂。鬚鬢改。何須嘆。公孫年已暮。東閣終如願。金杯勸功名。操券知非幻。



蔡方炳

字九霞常  
熟人諸生

千秋歲

贈王君丹麓次王聖佐韻

紫荆莫換村郭剛分半看山翠陰晴變閒居應共羨能  
事休云賤欣把贈一篇世說香生卷新著今世  
說方脫稿當世  
誰元晏百軸縑緙亂評今古增嗟歎尊鱸千里思鸞鶴

三山願歸去好六朝花柳春光幻

沈永啟

字方思吳江人  
有遜友齋詞

虞美人

蓮溼阻雨

廉纖細雨蓮溼口何處沽尊酒天公也似太多情拚得  
柳昏花暝滯人行年年浪跡真無謂歷盡愁滋味一

燈篷底聽模糊。知道小樓夢醒一般無。

宗元鼎

字定九號梅岑江都人有芙蓉詞一

河傳

四寶帳次孫光憲韻

花飈風斂冰綃煙閃。夜光螢點香清玉簫。誰若韓娥姿  
豔隔幃芳映臉。東都天子江都客。河山隔銀兔當頭  
白。秋已歸。春又歸。清暉輕魂帶夢飛。

又

烏銅屏次顧夔韻

一片冰景絲絲照出繡鴛交頸。畫工那解畫真容。秀整  
天然花下影。於今沙草眠鴻鴈。繁華息。往事空相憶。  
楊柳風。煙露濃。落紅翠屏山幾重。

備貞慶

字雪持宜興人  
諸生有兩山詞

摸魚兒

和陳其年清明悼徐郎

悵風流玲瓏在否頓增無限淒切荒山野徑埋年少恰  
是清明時節風雨烈渾不見當筵對酒歌喉咽雲穿石  
裂嘆羅綺灰飛管絃塵浣誰譜舊歌闕 江南岸有約  
扁舟同挈十年舊事空說眉山海外從遊者一樣雲隨  
煙滅腸千結還恐是海棠血灑梨花雪青枝驟折但轉  
眼經年柳綿飄處春又過寒食

王曜升

字次谷太  
倉人諸生

減字木蘭花

春風何處燕隔珠簾啼不住曉日侯家犬帶金鈴臥落花  
打圍城外曲室紅妝燈底待索酒橋頭別館青衣  
馬上留

陳

澤

字陶庵山陽  
人有留畊詞

武陵春

贈許雲章

記得武陵溪上住。夾岸落英。鱗邂逅飛觴。奏管絃。堤柳  
別情牽。煙雨樓邊春正好。相見已皤然。此日西湖問  
畫船。又是幾年。

李

灌

原名久升字  
寓庵鄞縣人

踏莎行

國朝詩林卷之二  
一  
冷露凝秋輕煙釀雨連天水漲蘩葭浦一庭芳草頓摧  
殘榮枯始識無今古敗葉臨風飢禽拂羽徘徊欲住  
渾難住朝來墜粉滿蓮塘誰憐的的蓮心苦

徐翹鳳

字竹虛  
宜興人

臨江仙 自題我園

竹塢雲汀藏矮屋一灣緊束雙溪疎簾清簟罷彈碁結  
茅移白石載酒聽黃鸝柳外池塘鷓鴣睡小橋斜渡  
花堤閒扶藜杖課春畦草堂明月上稚子讀書歸

沈嘉詔

字次柔  
仁和人

少年游

旅夜

秋林歷歷墜疎星，霜氣壓虛楹。羈旅天涯，夜長時候，愁對一燈青。  
來朝馬首知何處，目斷短長亭。住亦非家，去還爲客，誰道不零丁。

孟士楷

字彥林，會稽人。有夕葵園詞。

沁園春

吳興休文石

一片淒迷三尺玲瓏，荒郊夕陽，悵風流已盡六朝門第。  
支離猶在，八詠家鄉，石豈能言我來憑弔。沽取烏程，醉幾場徘徊，久認行閒題識，尙記蕭梁。曾經絲雨繁霜。  
便瘦盡苔膚，似沈郎嘆風清月白，亂縈溪水，藤纏蘚蝕。  
只伴啼螿事已星沈，君仍鵲峙，蔓草荒煙，黯自傷休回。

首怕洲蘋岸蓼添倍蒼涼

陸祖琳

字孝穀江蘇華亭人有淡香詞

感皇恩 醉司命

欲寫送神詞。期期口吃。未識相求致何物。黃羊難覓。薄酒一盃聊設。王孫誇善媚。慚予拙。髣髴雲旗。迴翔雨雪。幸附瑤箋寄天闕。爲言孺子。久矣怕因人熱。樵蘇長不爨。臣之突。

徐

恪

字昔民江陰人諸生

玉樓春

秋千庭院重門閉。濃睡乍銷殘酒味。晚風吹軟綠楊枝。

郎馬不知何處繫 空傳消息歸來未正是  
春愁花滿地手拈紅杏嬾重簪鬪鳴闌干還獨倚

黃

雲

字仙裳泰州人  
諸生有倚樓詞

南歌子

鑾江舟中

楊子濤聲近 又河塔影浮日斜猶滯木蘭舟何處白沙  
煙樹古真州 戰馬嘶蘆渚軍旗閃驛樓宋家丞相廟  
還留不道角聲吹徹又經秋

周而衍

字東會金壇人諸生

水龍吟

題友人舟中小像

人間塵海茫茫驚濤駭浪連天表風顛雨簸危檣巨艦



知他多少受盡憂危牽來愁恨載將煩惱只清晨鼓角  
黃昏更點把地老天荒了檢得滄浪清處又何須十  
洲三島眼前長是丹崖碧嶂白蘋紅蓼一葉雲深一帆  
風細一絲煙裊向空明擊汰科頭箕踞儘堪游眺

滿江紅

夜泊采石磯懷古

采石磯邊終古是長風濁浪流不盡百篇才思千杯疎  
放當日漢宮飛燕句倩誰譜向亭前唱痛元宗不暇鑿  
微詞終淪喪東山起徒懷想夜郎謫添惆悵曠孤忠  
耿耿扁舟長往只有滄江殘照裏還留明月青天上白  
茫茫何處與招魂空凝望

李應機

字密齋平湖人  
諸生有圃隱詞

八聲甘州

燈夕

又東風吹到故園來  
摧殘一池冰  
恰新正半月微烘晴  
日猶自淒清  
何處酒旗戲鼓  
高架結燈屏  
歡笑同攜手  
羅襪輕盈  
不怨羈愁病侶  
只鬢絲無賴  
減盡青青  
橫斜瘦影  
辛苦締深盟  
羨當年勝遊佳節  
悵當年花柳  
少逢迎  
到今日茶鐺藥臼  
閒費調停

司旭

字紅仙里  
居未詳

齊天樂

祝鄭節母

紛紛多少閒桃李  
那知雪霜滋味  
瓊圃芝苗  
瑤宮萱草

歷盡世閒紅紫有誰能似只蓬島麻姑孤鸞同倚一曲  
雲璈碧天露淨月初起 華筵香泛兕尊羨蘭芬玉潤  
滿眼清綺鳳腦燒燈螺肝行饌青鳥飛來天際冰桃熟  
未更葉葉斑衣臨風爭戲鶴舞遙空海籌添到幾

鄭人表

字未詳  
鎮海人

踏莎行

毘陵張氏女被讒自殉詞以弔之

市虎讒深城狐燄烈千秋冤憤憑誰雪青鋒三尺夜三  
更生生斷送無瑕璧 十七韶年蓬門弱質不辭血灑  
重泉碧拚將一死表清貞娟娟照徹冰壺月

趙

炎

字雙白  
莆田人

如夢令

纔過鷓鴣啼處。又到鬱雞飛處。行盡越江邊。總是一天  
煙雨。歸去。歸去。芳草幾曾迷汝。

韓

雲

字自爲  
烏程人

水調歌頭

盆松

一任雪霜虐。勁骨自天成。誰從盆盎栽就。翠蓋小亭亭。  
待看干霄千尺。怎奈寄人籬下。那敢作濤聲。且學螭龍  
蟄。羞殺大夫名。又何必。移春幔。護花鈴。不應勺水拳  
石。鬱鬱老蒼鯤。好待風雷驟起。移種瑤臺高處。濃覆半  
山青。記取一言贈。莫負歲寒盟。

王

灝

原名與曾字西園婁縣人

江城子

清明

落花流水板橋西。遠村微。野煙低。青塚茫茫。滴酒印紅泥。試問生前忙底事。今只見。草萋萋。白揚搖曳不勝悲。杜鵑啼。紙錢飛。去年來。埋沒盡芳菲。一帶斜曛歸路晚。風料峭。怯春衣。

方中發

字有懷桐城人

意難忘

夜泛

好景誰圖。看斜陽一線界破平湖。柴門喧擺。極蓮艇劈菰蒲。收渡後。挂罾初。誰隔水相呼。只霎時。墟煙零亂。岸

靄模糊。流螢亂灑明珠。眞水天共色。倒合冰壺峯霞。  
張錦繡波月破珊瑚。蘆渚淡柳村孤。看似有還無。醉眼  
中蒼茫萬頃。何處吾廬。

邱

乘字御六吳江  
人有初秋詞

點絳脣

春約愁來年年愁得人如此。愁還有幾春。又將歸矣。  
說是春歸愁更纏綿起。何時已春頭。春尾沒箇無愁地。

計

敬字勸丹  
嘉善人

點絳脣題畫

門枕長江半牀書卷千山雨。密雲來去兩岸模糊樹。

峭壁騰空目斷天涯路歸潮怒吞吳激楚隱隱蛟龍舞

百字台

錢塘懷古

銀江迢遞向崇墉環繞碧峯萬疊千古興亡同逝水夕  
照亂流明滅錦地鶯花畫船簫鼓空自誇豪俠而今惟  
見斷雲荒草殘碣 可惜報國精忠金牌十二竟敗垂  
成業古廟空山聊酌酒休問趙家宮闕何處驅愁西陵  
寂寞謾謾飛黃葉倦懷無那孤山且玩梅月

柳

星

字鶉中  
慈溪人

鷓鴣天

草長江南綠未齊舊巢雙燕喜來歸去年此際蕭郎別

回首河梁事已非  
深院靜子規啼幾曾有夢到遼西  
樓頭風捲楊花雪  
慣逐雙雙蛺蝶飛

曹國渠

字叔方江陵  
人有片碧詞

長相思

搗秋衣寄秋衣何事淹留郎不歸  
風流負錦幃  
撫金徽  
怨金徽  
淚灑西風自掩扉  
霜天雁影稀

郭輔堯

字與里居  
均未詳

踏莎行

珠露催涼金風薦爽  
紗窗日映茱萸網  
輕羅扇子怕寒  
蛩自伊啼徹辭儂掌  
紅樹陰疎蒼葭水廣  
一繩雁字



人人想誰知入骨是新愁原來秋在心兒上

國朝詞綜補卷四

無錫丁紹儀杏舫輯

謝爲憲 一首

程文彝 一首

徐懋昭 一首

嚴曾榘 一首

喬萊 一首

龍光 一首

儲方慶 一首

江闔 一首

鮑鼎銓 一首

楊春星 一首

盧縉 一首

方采 一首

林麟焯 一首

楊綠 一首

馬翀 一首

向茂英 一首

國朝詞綜補卷四

十

張發祖

一首  
補詞

謝于道

一首

顧泮

一首

邵瓚

二首

柯維貞

一首

葛筠

一首  
補詞

王度

一首

楊暄

一首

蔣文瀾

一首

吳曹直

二首  
補詞

李孚青

一首

歸允肅

一首

龍燮

一首

毛升芳

一首

吳震

一首

紀昞

一首

吳農祥

二首

徐咸清

一首

鄧林梓

一首

戴洵

一首

賀對達

一首  
補詞

黃儀

二首  
補詞

徐林鴻

一首

謝爲衡

二首

嚴曾相

一首

吳參成

一首

姚鑑

一首

秦篆

一首

何琪

一首

謝爲憲

字恕齋鄞縣人康熙二  
年舉人官蓬萊知縣

踏莎行

同姜西溟玩月

樹覆女貞鳥啼姑惡豆花桐子當窗落雨餘燈火夜涼  
多銀河水浸遙天薄 露氣方濃蛩聲漸弱中庭峭立  
人如鶴記曾秋月客邗溝芙蓉似錦圍西閣

程文彝

字梓園婁縣人康熙三年進士官御史

菩薩蠻

寒江不斷東流急晴嵐不改當年色山水尙如前風光  
又一年 玉樓人語歇金井飄梧葉銀漢碧天高吹殘  
隔院簫

徐懋昭

字晉公鄞縣人康熙三年進士官開封同知

畫堂春

舊時百舌弄春聲客窗幽夢先驚年年芳草伴愁生今  
又青青 不信燕來鴻去時光容易清明陌頭楊柳最  
無情慣拂行旌

嚴會渠

字方貽餘杭人康熙三年進士官兵部侍郎

瑣窗寒

山居

綠樹遮簷，青山當戶，柴門啟早。深林翠竹，時有嚶鳴嬌鳥。坐看他、浮雲去來，焚香自詠閒居草。向溪邊微步，溪流清淺，溪聲靜悄。樹杪游絲裊。正墟裏煙生，斜陽相照。牛羊欲下，村落酒帘收了。浣紗人、攜筐正歸，隔籬笑語聽來好。算田家樂事原饒，安得移家老。

喬

萊

字石林寶應人康熙六年進士官侍講

鷓鴣天

僻處門無剝啄聲，一庭嫩綠雨初晴。因山架屋苔常滿。

倒樹成橋葉尚生  
新笋迸午風輕  
飛花誤入煮茶鐺  
儵然相對清如水  
坐聽林閒鳥自鳴

龍

光

字二爲望江人康熙六年進士官同知

滿庭芳

練影初浮冰輪正湧露梢尚咽吟蛭驚鴉匝樹催我上  
吳舫款乃一聲鳴處早劃破千頃銀濤知誰在水晶簾  
底離恨寄秦簫無聊念宦海飄流未定叢桂將凋更  
楓殘荻老做盡蕭騷禁得嫩涼如水偏辜負甲帳煙綃  
還癡想鞭他龍起汗漫碧天遙

儲方慶

字廣期宜興人康熙六年進士官清源知縣

渡江雲

長安居不易。做裘典盡。還理舊征袍。念萬重煙樹。一鞭  
蕭瑟。此去路方遙。高歌且盡。將離酒。莫漫牢騷。看茫茫、  
古今失路。多半是吾曹。飄搖浮雲蔽日。急雪迎風。正  
長途潦倒。問年來、滔滔江漢。幾許波濤。揮毫題徧芳洲。  
草好將他。屈宋魂招。休更道。置身宜在雲霄。

江

闈 榜姓越字長六貴筑人康熙八年舉人官解州知州有春蕪詞

武陵春

宿歡喜亭

到此正愁山未盡。失喜見清波。百頃湖光映薜蘿。遠岫  
點青螺。藉地回看星斗靜。雲影淡於羅。人定猶聞采



藥歌六月夜寒多

鮑鼎銓

字讓侯無錫人康熙八年舉人官知縣

踏莎行

桃靨紅消柳眉翠聚當筵唱徹黃金縷含情無語倚東  
風啼鶯不管春光暮 煙幕平蕪水添遠浦王孫玉勒  
嘶何處惱人雙燕故飛飛新愁又送花間雨

楊春星

字耐嵩雒州人康熙九年進士官郎中有楚江吟

陽關引

颯颯西風冽陣陣飄殘葉一鞭斜照遙山暝征車歇向  
蕭蕭亭館無語愁千結正黯黯驚雁又度庾樓月 惆

悵年華逝。煙嵐隔。縱長亭柳多情甚。儘攀折。奈一杯酒醒。怕聽歌三疊。卻年年。遠道消盡馬蹄鐵。

盧

綖

字菽浦黃安人康熙九年進士官江蘇知縣

夢揚州

冒辟疆先生久客邦江戲寫蒹葭秋水圖奉寄並賦小詞索和

望蒼洲。但茫茫。煙水寒了。盟鷗載嘯。載歌想見扶筇。夷猶小山叢桂。飄零盡。又東籬黃菊香稠。相思處。蕭疎風度。卻從畫裏尋求。寫出蒹葭暮秋。更著箇伊人。宛在中流。老去紫薇近日。誰陪清遊。江湖幾折。遙相接。問何時方買歸舟。緘尺素。還憑來雁爲寄揚州。

方

采

字蛻庵潛江人康熙九年進士官中書有花悟堂詞

昭君怨

和影低徊踏月。月去蘭缸休滅。缸滅影都無。夜涼初。  
玉漏聲聲到枕。滴入心頭正永。難遣是相思。繡衾知。

林麟焜

字玉巖莆田人康熙九年進士官僉事道有竹香詞

水調歌頭 釣龍臺懷古

海氣撲襟袖。登眺亦雄哉。蒼茫煙水無際。山勢聳崔嵬。  
人道越王當日。鐵馬金戈割據。曾釣白龍來。霸業已銷。  
歇。俯仰贖荒臺。殘照裏。草樹外。角聲催。沿江樓櫓重。  
疊橫海靖氛埃。一片銀濤雪浪。千古蝸爭蟻鬪。誰是濟。  
時才庾信。最蕭瑟。詞賦只悲哀。

楊

綠

字巽居宣城人康熙十一年舉人官教諭

臨江仙

荆溪署中

欲向荆南尋勝侶不妨冷署閒居壁敲簷矮徑荒蕪一  
宵秋雨橫溼卻半牀書翠竹碧梧聲瑟瑟眼前景物  
蕭疎尊中濁酒未須沽客來同一醉隨意剪園蔬

馬

翀

字雲翎無錫人康熙十一年舉人

浣溪紗

綠徧千山響杜鵑柳枝低亞燕翩躚幾曾風雨似今年  
蓮瓣一鈎春印淺菱花七出曉妝妍半垂紅袖撥沈

煙

向茂英

字純庵慈溪人康熙十一年舉人官蕭山教諭

蝶戀花

翠淺紅深春易暮。纔道春來，又送春歸去。癡欲留春春不住。酒醒夢斷鐘聲曙。廿四橋邊裘馬路。花落花開，小杜傷心處。柳暗翠樓鶯不語。美人搓手團風絮。

張發祖

字孝舒丹陽人康熙十一年舉人官濬縣知縣

望遠行

立秋

朝來一陣涼颼過。井上梧桐非故。瓊簫引恨。紈扇懷愁。猶記舊時芳緒。雲漸成鱗。水共長天凝碧。日暮佳人何處。最淒清。明月清砧院宇。無據。幾許涼亭燠館。把往

蹟從頭細數。芳樂名妃。臨春狎客。都被蟬聲催去。贏得  
悲秋宋玉。登高望遠。慘淡此情。今古怕天涯。衰草不禁  
風雨。

謝于道

字存義。鄞縣人。康熙十二年進士。官戶部郎中。雲南學政。

菩薩蠻

嘉禾亭嘉蓮

鳴琴堂上薰風度。嘉禾亭畔嘉蓮吐。一柄綻雙葩。紅雲  
映放衙。清池同製錦。稠疊香凝寢。莫是託王喬。雙鳧  
待早朝。

顧

汧

字芝巖。長洲人。康熙十二年進士。官河南巡撫。有鳳池集。增詞。

點絳脣

五月菊

質本凌霜怪他何事先秋放朝暎初上也學葵心向

采采東籬三徑欣無恙風情暢一尊蒲釀相對饒清賞

邵

璜

字柯亭餘姚人康熙十四年舉人官昌邑知縣有情田詞

一枝春

杏花

謝了官梅柳青時春色滿林偷聚閒園晚步吟袖暗沾  
香霧朝來夢醒又聽徹小樓春雨最宜看傍水開時試  
問海雲曾住晴窗幾番凝佇早飛來一瓣點伊眉嬾  
折枝向曉知道賣從何處那回記否惹燕子雙雙嬌妬  
似鏡裏對酒紅妝倚闌無語

解連環

鬢雲初整向銀塘微步。倒臨秋鏡。看小立、恰傍花枝。又  
繞過莎階。畫闌閒凭。幾度偷窺。奈全被、柳陰遮定。聽棋  
敲隔院。笛弄高樓。醉魂都醒。濃香夜來好景。怪匆匆  
因甚。便催孤艇。縱有夢、尋到天涯。也迷卻春園。那時鷺  
徑。竹屋燈昏。何況是、小亭煙暝。算除非、化作涼蟾。照伊  
瘦影。

柯維貞

字翰周嘉善人康熙十四年舉人

傳言玉女

白鸚鵡次韻

珍鳥何來光映一庭晴。雪輕翻粉翅。慰佳人愁結金經。  
誦罷漫憶珠宮琳闕。且依綺閣。閒看素月。亦似多情。



未黃昏嬌語歇窺他紅袖把水晶簾揭還從鏡檻悄向  
玉奴低說說他燕子雙棲時節

葛

筠

字湘湄丹陽人康熙十四年舉人官長洲教諭有名山藏詞

百字令

七夕聞促織

滿庭蘿薜正蚊雷聲靜未消炎暑怪煞莎蟲忙底事早  
訴傷秋情緒纒盡秋絲拋殘翦尺夢斷關山阻征衣須  
寄月華未照砧杵卻恨淚溼鮫綃迴文難織無那頻  
催苦此夜銀河牛女渡天上尙停機杼何況人閒筵陳  
瓜果正好歌金縷胡爲淒切聲聲似逗疎雨

王

度

字香山高郵人康熙十四年舉人官教諭有書連屋詞

清平樂

客中月夜

娟娟涼月雨後光逾澈  
窺戶亂峯千百疊  
影與池荷共貼  
月中茉莉新開  
照他香雪成堆  
記得年時此際  
晚妝簪上鸞釵

楊

暄

字玉符婁縣人康熙十五年進士官編修

南歌子

鴛瓦霜痕淡  
螺窗曙色濃  
香溫錦幄正  
朦朧爭奈數聲啼鳥隔  
簾櫳  
眉黛輕勻綠  
脣脂淨洗紅  
試從雲際盼歸鴻  
早見一枝梅破小春風

蔣文瀾

字葭友號紫峯長洲人康熙十六年舉人官兵部主事

水龍吟

送四男曰梅赴荆門州任

一尊送爾之官不須重灑臨歧淚顯揚道在濟民致主  
片言當記此去荆門環山帶澤古稱巖地念利興弊革  
九淵善政將何以前賢繼 雖是吾年衰矣興猶豪蒐  
裘堪寄白雲漫望飲冰茹蘗勉爲廉吏政有餘閒叔敖  
墓下爲吾時祭待三年報績那時扶杖把衡門倚

吳曹直

字以巽宜興人康熙十  
七年舉人有秋英詞

金縷曲

蛟橋月夜

橫壓雙溪轉記相傳赤烏年代斯橋初建  
畫雲山佳麗甚正是六朝陽羨其下有流澌清淺  
夾岸紅樓燈火

夜恰如霜古月當頭現想曾照國山縣 星霜忽易寒  
蘆捲認空潭老蛟潛處滄桑幾變百怪魚龍銷匿盡冷  
落孝侯祠殿只皓月依然一片照徹興衰同逝水更照  
來虹影澄如練圓似鏡挂波面

多麗

桂花下作

嫩涼天西風吹徧郊原正樓頭一聲長笛次寥秋氣堪  
憐漸芳洲飄殘黃葉更曲沼凋盡紅蓮秉燭心期支筇  
意興恰逢叢桂吐華妍小山畔淩霜挺秀翠蔭覆來圓  
還證取香聞鼻觀無隱真禪 對清尊淺斟低咏待看  
月影嬋娟儘露華沾衣欲溼奈蛩語當戶爭傳知道明

年重逢此日萍踪飄轉在誰邊多應向山程水驛茸帽  
控絲鞭花如識盛筵難再也合潸然

李孚青

字丹壑合肥人康熙十八年進士官編修

柳梢青

十笏窗晴春山樓上旭日初明纔點花姿輕翻銀葉且  
諷黃庭 枝頭百轉雛鶯向花底攜尊細聽飄入溪光  
吹來沙際楊柳梢青

歸允肅

字孝儀號惺崖常熟人康熙十八年進士官少詹事

燭影搖紅

丁巳二月蠟梅盛開同人張燈置酒次韻

梅蕊塗黃檀心半吐凝香晚東君著意報芳菲冷豔枝

頭暖風細湘簾乍捲。映清輝。宜春小苑。月纔東上。鶴正南飛。教人歡見。勝友招邀。攜尊花底。排佳讌。觥籌頻送。漏聲移。四壁燈光。炫莫惜。更長燭短。際良宵。心情未懶。鳳團點就。翠筆題殘。吟懷方展。

龍

燮

字石樓望江人康熙十八年以監生召試博學鴻詞官檢討

雪獅兒

題迦陵填詞圖時其年歿逾年矣

詞家畦徑多規守。誰似髻之絕塵邁往。落筆酣時。五岳爲之搖蕩。追惟疇曩。聽幾度。遏雲高唱。今已矣。故人安在。斯文未喪。每拊遺編惆悵。忽宛然。晤對掀髯抵掌。斜睇星眸。有箇雪兒相傍。荆溪回望。賸寂寞。花亭歌舫。

添悽愴。何處笛聲嘹亮。

毛升芳

字質庵。遂安人。康熙十八年以貢生。召試博學鴻詞。官檢討。

眉嫵

題陳君其年填詞圖。玉梅花下。交三九。君詞中句也。又有清明悼徐郎詞。郎名楊枝。

問青裳捧硯。紅袖添香。此福可修到。半幅鸚鵡溪絹。憑描出。蛾眉蟬鬢嬌小。朝雲曾道。怕柳綿枝上。吹少。總輸與。三九玉梅下。盼來翠環姣。漫笑頻年潦倒。儘金迷紙醉。別有懷抱。琢得新詞就。倩檀口。歌來響徹雲表。玉堂春曉。恐匆匆。催去偏早。更袖惹鑑煙。賡雅奏。侍瀛島。

吳震

字天章。蒲州人。康熙中舉。鴻博未遇。有蓮洋集附詞。

卜算子

檻竹

何處玉玲瓏檻外清陰護帶露和煙似有情寫出離騷  
譜 屈曲籀龍根直上青雲去驚醒幽人卧北窗一陣  
瀟瀟雨

紀

灵

字仲霽文安人諸生  
康熙中舉鴻博未遇

百字令

廣陵舟中送友次韻

繽紛麗藻論新詞子野休誇三影一覺揚州歡夢醒夢  
裏江花相映選勝揮毫當筵度曲絕憶年時盛舟牽岸  
上蟬嘶柳外誰聽 疇昔意氣文章汝南月旦翻倩旁  
人定眼底牢愁祛不易誤卻今番游興漫說清狂空嗟  
落拓誰復綈袍贈紅橋好在幾時重棹蘭艇



吳農祥

字慶伯錢塘人諸生康熙中舉博學鴻詞未遇

沁園春

題月團詞

角勝旗亭火鳳冰蠶猶懷夢思况新愁似海空餘黃絹  
舊歡如月不盡烏絲醉落金釵戲牽珠箔鬪引春心上  
翠眉難提論是芙蓉開候荳蔻含時 調成律管參差  
算架筆珊瑚更數誰記曉鐘聲裏銀釭一點秋衾寒透  
玉箸雙垂帶孔頻寬帽簷微側卻與東風縮別離無窮  
恨儘紅牙低按唱徹紅兒

多麗 西湖

夢澄湖畫橋春水初生正嫋娜東風吹晚朦朧西日籠

晴玳梁棲雙飛社燕瓊樓閃百轉流鶯雨意肥梅煙痕  
感柳惱人天氣近清明平沙軟爭攜壺榼壓浪小舟輕  
遙指點梵宮別墅處處雕楹待香闥重尋勝賞繡輿  
競出江城玉釵垂暖圍紫蓋珠衣薄嬾展紅屏抬翠情  
酣踏青游倦蘭橈蕩去促歸程回望處波平月皎約莫  
已三更相傳是銷金窩好宜醉休醒

徐咸清

字仲山上虞人諸生明殉難  
尚書人龍子舉鴻博未遇

菩薩蠻

題陳迦陵填詞圖

長卿文賦江郎筆詞源一瀉洮湖碧筆底燦朝霞爭如  
解語花還將明玉管描出春山遠曲曲播新聲春風

滿洛城

鄧林梓

字肯堂常熟人康熙中舉鴻博未試卒

沁園春

冒辟疆先生築匿峯廬成四明用岷公倚聲落之適有維揚女校書至卽次原韻

山不須深小築蝸廬顏題匿峯恍羅含宅畔新裁野菊  
陶潛園裏舊種孤松評泊鶯花料量風月泉石眞堪傲  
鼎鐘饒清興更瓊花一朶意外相逢 衡門愛養疎慵  
卻詩酒流連鮮倦容看黛痕隱約西村細雨柳絲搖曳  
南郭微風琴韻桐閒茶聲竹外不是羊求未許從人尤  
羨羨煙霞成癖星宿羅胸

戴

洵

字介眉常熟人

沁園春

富巢民先生新築匿峯廬賦詞落成和周  
呢公作

三徑重開高下參差曾無點塵有緣溪雁齒才通步履  
遶籬虎落猶帶霞痕一枕松濤三杯竹葉相對殷勤酒  
半醺柴門外看雲容變幻巒氣氤氳林泉老卻遺民  
且莫話當年富貴春間熏鑪茗椀誰同月夕豆棚瓜架  
誰共花晨拄杖過頭胡牀企腳老友招尋贖幾人今而  
後只耕煙釣月亦復輸君

賀對達

字兼山丹陽人  
有澗水軒詞

浣溪紗

秋懷

景物當年最足誇綠楊紅杏拂簷牙石闌干護四時花

零落只今爭似舊小樓虛受夕陽斜夕陽影裏數歸鴉

黃

儀

字子鴻常熟人有紹蘭詞

水龍吟

漫嗤老態龍鍾少年曾是誇豪興高陽伴侶三春逐日  
聯鑣飛鐙山北山南芳菲賞徧別尋幽勝記披襟直上  
雲峯絕頂渾欲喚青天應誰道多生蹭蹬舊情懷都  
來難稱十年回首交游嚼蠟功名墮甌除卻孤吟酒腸  
詩膽消磨無賸但秋來猶愛斷鴻聲裏把危樓凭

踏莎行

宿雨纔收春寒頓減博山銷盡沈煙篆越羅裁得稱身  
無黃昏早是停金翦 燭影偏明花陰尙淺曲闌十二  
閒憑徧井梧休放月痕來玉階剛臥金鈴犬

徐林鴻

字寶名海甯人錢塘諸生有兩閒草堂集附詞

沁園春

戲題陳其年填詞圖中有侍兒吹簫

信有蛾眉閉置深閨憑誰見憐縱腰肢柳弱未容攀折  
衣裳雲想枉惹纏綿瞥見何曾竊窺可許迢遞蓬山路  
幾千平生面只錦衾帳底寶髻臺前 無端賺製新篇  
費蜀錦吳綾十萬賤任彩霞吹徹鸞簫鴉管銀河隔斷  
碧海青天春色依然玉人何處妙手空將好事傳伊相

誰除身爲明鏡分得嬋娟

謝爲衡

字莘野  
鄞縣人

虞美人

怨齋二兄齋頭看花小集分韻

枝頭好鳥聲聲喚似報春將半  
嬌紅稚綠燦如雲誰道  
乍晴天氣易黃昏  
高燒銀燭和花語願與花長住任  
他風雨滿天涯  
只要比鄰有酒不妨賒

擊梧桐

聞雁

暑退涼猶淺  
秋已半  
天際浮雲徐卷  
暮地征鴻過  
聲聲似喚起離愁  
宛轉旗亭月落  
長門燈燼  
添得幾多悽惋  
爲問南來侶  
只迢遞遠道也應遊倦  
珠露初凝  
金風

漸勁何處蒹葭水淺。可有音書寄。幾度把客夢驚回。孤館纔見社前歸去。時事關心。卻早催歲晚。想當年。牧羝沙磧。孤憤怎遣。

嚴曾相

字右君  
餘杭人

蘇幕遮

豔陽天佳麗地。忽聽清音聲出。明簾裏嬌小盈盈。纔十  
四。悄學春鶯一點櫻桃碎。度霓裳調翡翠響。過行雲  
惹得心如醉。微笑近前。渾解意。試問芳心也曉。相思未

吳參成

字石葉  
江都人

金菊對芙蓉

初冬集愛山堂聽雨



黃菊辭秋。丹楓醉晚。寒光半透晶簾。更蟲吟芳砌。露滴  
虛檐。舊年此日初寒也。記龍涎寶鴨頻添。清簫一曲。紅  
分塔影。綠壓莎尖。筵前夜漏厭厭。儘高談雄辯。綠鬢  
蒼髯。問北來鴻爪。幾度江南。涼雲濃壓朱闌畔。想遙山  
黛鎖妝奩。閒窗悄話。催詩雨好。酒盞重拈。

姚

鑑字竹齋  
仁和人

滿江紅螢

幾點青熒。湘簾外亂星如滴。最好是初過。小雨流光。熠  
熠暗水池塘分。又聚簷花顛倒。疎還密。颺高樓。簌簌晚  
風斜。飛無力。臺榭下闌干。側驚少婦。悽孤客。看深閨。

巧入繞人羅褶儘許輕翻紈扇底莫教浪惹蠨蛸織伴  
蛩吟一夜好燈光相憐惜

秦

篆

字籀史  
合肥人

臨江仙

不道早春如靜女含嬌初向人前相看便覺態嫣然漫  
嫌宵露重卻恐曉風尖惟有遠山知覺早青青垂黛  
堪憐封姨何事太狂顛吹愁成一片不待落花天

何

淇

字洛公確山人有  
箕管書屋集附詞

齊天樂

兩夜夢人授銅雀瓦詞以紀之

瀟瀟零雨催殘夜依稀記來偏好百徧摩挲琉璃匣內

一片澄泥色皎建安年號是若箇銀鈎篆分蟲鳥除是  
江郎生花斑管共風調 沈思臺雀往事有分香細弱  
賣履娟妙聽說而今欲尋遺跡剩有荒寒斜照暗傷懷  
抱歎佳麗如斯都隨夢杳睡起迷離小廊蛩語悄

國朝詞綜補卷五

無錫丁紹儀杏舫輯

錢柏齡

一首

黃遷

一首

黃泰來

一首

王琪

一首

袁錡

一首

陳堂謀

一首

吳權

一首

沈丹楸

一首

蔡士麟

一首

趙嗣賢

一首

范廷培

一首

周邵孫

一首

周穉

一首

周志煥

一首

張圯授

一首

葉永言

一首

黃承茲

一首

吳晉

一首

黃虞稷

一首

黃家舒

一首

蔣無逸

一首

王袞錫

一首

冒丹書

一首

董黃

一首

路鶴徵

一首

李式玉

一首

季公琦

一首

朱用純

一首

顧理美

一首

倪晉

一首

胡第

一首

周芳

一首

錢理

二首  
補詞

仲嗣瑠

一首

許澁

一首

章惟

一首

蔣雯 一首

高兆 一首

沈大綸 一首

吳鏘 一首

孫繼登 一首

湯寅 一首  
補詞

陳之羣 一首

蔡燦 二首

沈聖清 一首

徐震 一首

楊慶徵 一首

陳喆倫 一首

錢柏齡 字介維號立山江蘇華亭人監生

珍珠簾 題宋牧仲楓香詞

等閒製就瓊簫譜。多應是仙骨藐姑同賦。何似舊蘭臺。擅風流三楚。幾疊清商高雪苑。渾洗卻梨雲杏雨。良苦。

惹雙鬟十八爭持紈素。漫數白石蘋洲看情絲宛轉。  
金鍼徐度。想見染毫時。定浣將微露。調笑旗亭聊復爾。  
縱怨極何曾薄怒如訴。更江空夜靜一彈再鼓。

黃

遷

字大宗  
山陽人

滿江紅

次尤西堂先生自題竹林晏坐圖原韻

骨重神凝望。而是文壇燕許欣。留得萬竿修竹相爲賓。  
主四海交遊腸似雪。九天咳唾珠成雨。看亦園松菊未  
全荒。堪游處。雞豚社憑偕與金紫夢。休凝佇似桓伊。  
弄笛胡牀高踞斗酒雙柑鶯送曲。池塘綠草蛙鳴鼓。歎  
郝生僅得一參軍。爲蠻語。

黃泰來

字交三泰州  
人有洗花詞

浣溪紗

淡淡衫兒葉葉輕。踏青鞋子昨初成。妝完無語立中庭。  
夜半小樓催杏雨。曉來深巷賣花聲。無端鶯語鬧清明。

王

琪

字玉芳嘉興人  
諸生有拭桐詞

鬪百花

江行卽事

一葉扁舟前去。經過亂峯無數。漁村返照斜陽鳥道高。  
懸疎雨。危坐中流。堆起雪浪如山。多少蛟龍騰舞。胸次  
空千古。雁陣驚寒。亂落平沙晚渡。投向蓼岸依依暫。



修毛羽。試問篙師蕭蕭江上何聲風觸兩邊紅樹。

袁

錡

字且釜錢塘人  
慈溪籍諸生

沁園春

鞏縣旅舍五十自壽

自壽三杯聊向閒中追維歲華記金燈縱飲呼盧喝雉  
雕鞍馳射訪柳尋花此興非遙廿年前事倏忽皤然日  
易斜憂來處把唾壺頻擊羯鼓親搥幾年浪跡天涯  
豈真似狂夫不憶家念零丁弟妹殷殷期望饑寒兒女  
暗暗咨嗟恨不乘風飄然歸去爭奈關河道路賒黃昏  
後問有誰相伴數點寒鴉

陳堂謀

字大匡桐城  
人有據梧詞

蝶戀花 春雨

六曲雕闌空徧倚，  
驀地愁牽，卻在簷聲裏。  
零亂垂楊金粉碎，  
絲絲都染相思淚。  
鎮日廉纖還未已，  
蝶翅難舒，  
溼重鶯哥嘴。  
煙冷香篝人不寐，  
錦鞵隔斷桃花水。

吳

樞 字超士  
吳江人

沁園春 馬

紫燕翻雲白鵲嘶，  
春天馬再來，甚奔霄躡電，  
頻周日舍。  
晨鳧銅雀盡出，  
龍媒宛種，  
朝馳房精，  
夜降腰裏，  
騰驥櫪。  
上材誰能顧，  
便千金價重，  
絨起風雷。  
羣空牝牡休猜，  
爭得似風流，  
買駿臺更王郎，  
耽癖蓄薇，  
作供劉家，  
尙武。

首蓓新栽駿入僧憐嬌將妾換對舞登牀進酒盃長鳴  
久看流珠戴玉千里初回

沈丹楸

字鳳岐  
吳江人

浣溪紗

東家瘦吟

買賦何人間馬卿可憐消渴少金莖輸他瓦釜似雷鳴  
眼底秋風雙鬢白屋梁落月一燈青牛衣相對不勝

情

蔡士麟

字天石  
鄞縣人  
監生

踏莎行

七夕詠嘉禾亭並蒂蓮

淶水三篙方塘十畝凌波微步湘裙縹還疑亭畔戲鴛

鶯欣看連理池中透。翠挽雙鬟紅翻兩袖。正逢烏鵲  
填橋候。學枝有瑞。應雙星詠歌。堪續元嘉後。

趙嗣賢

字鶴樵。鄞縣人。貢生。

御街行

輓姜如農給事

先生丙歲來於越。吾廬敞。聊休歇。淒涼家國訴餘生。賜  
遣幸留膚髮。幾回攬轡。澄清莫遂。拔淚瞻宮闕。山搖  
海沸。驚飄忽。身雖逝。背猶裂。飄零吳市荷戈時。自號敬  
亭舊卒。丹心不死。長留白簡。何處埋忠骨。

范廷培

字因之。鄞縣人。諸生。

東風齊著力

戲效胡浩然體

泛梗流年。空花世界。屢換韶華。名韉利鎖。那肯半毫差。  
眼底朝秦暮楚。看闌盡、無限生涯。君知否。銅陵金穴。今  
屬誰家。美景總堪誇。卻爲甚、朝朝夜夜。咨嗟。春風秋  
月。幾箇飲流霞。試看遲遲日影。窗前放。一樹梅花。休辭  
醉歡歌半晌。勝飯胡麻。

周邵孫

字藝初  
錢塘人

江城子

杏花村野小橋東。霧濛濛。水溶溶。野艇呼人。楊柳綠陰  
中天意。可能如我意。來幾陣。石尤風。丁甯無限袖雙  
籠。住難從。去難同人世。難堪第一是離悰。回首夕陽疎

樹外還認取酒顏紅

周

積

字叔久  
慈溪人

百字令

秋夜月下泛西湖

繁華自古羨荷香  
桂子吟成柳七一片湖波平似鏡  
能有幾人攜檝恰好姮娥淡妝相對  
頓把塵襟滌孤山何處迷濛難辨  
山色喜是天若有情月應無恨坐我清涼  
國簫管聲疑環珮下欲向雲梯高躡  
漫道西湖不須問價詩債誰償得  
浩歌痛飲知章原是狂客

周志煥

字未詳  
鄞縣人

鷓鴣天

紅葉

誰把紅羅碎翦裁漫天飛舞似春臺人疑杏樹壇邊坐  
舟訝桃花洞裏來 休躑躅莫徘徊與君盡此濁醪杯  
斜陽掛滿前村樹歸路重重錦帳開

張圯授

字孺子  
如皋人

八聲甘州 贈友

正江皋千里喜君來胡爲便言歸悵相逢一笑荒城冷  
月紺殿清輝握手論交恨晚疑是夢耶非結箇疎狂社  
鷗鷺忘機 憶得三閒破屋便解衣脫幘松塵霏幸  
半生淪落知已未全稀縱來年重經下里奈暫時相賞  
又相違無窮恨西風古道阜帽牛衣

葉永言

字祉如江蘇華亭人

二郎神

門丞用柳屯田體

丞何故曷不學老罷當路曷不學辛旻持節坐慣依傍  
別人庭戶金鎖綠沈無恙在做綵燕黏雞伴侶難道爲  
一椽堪蔽強似牽舟賃廡休住尋常巷陌冷清清處  
只合倚侯門相努目乘勢作霍家奴怒畫戟收時行馬  
駐有多少炎趨熱附看槐柳行邊二陸三潘向君延佇

世說二陸三潘森然與槐柳齊列

黃承茲

字念在曲阜人

散餘霞

秋登太白樓懷友



危樓一角孤城陔。老盡南池柳。柳葉纔染新霜。早摧殘  
烏柏。蒹葭水痕依舊。捲地西風驟。賸有青布帘斜。共  
何人沽酒。

吳

晉

字介茲  
江甯人

天香

龍涎香

睡鴨鑪邊翔鸞鏡。畔幻成蜃氣樓閣。鱗屋珍藏蝦鬚深。  
護未許鮫人私攫。天家賜餅。豈易向世間輕索。漫比都  
梁迷迭。當年共分銅雀。休誇口脂面藥。有昭陽露華。  
堪濯料想銷魂。韓掾衣邊。曾著怪底晶宮海妾。唾紺袖  
凝珠似花萼。一縷煙霏。細繡繡箔。

黃虞稷

字俞邵江甯人諸生

澡蘭香

燈船

華林舊苑草蔓煙消。剩得釣天樂府。輕舸似葉。繡幔低垂。競試蒲榴簫鼓。掉絳旌。纔轉西陂。又隨畫橋東去。看幾部橫吹。響遏行雲還住。多少中流擊汰。巧鬪新妝。浴蘭兒女。明河影裏。疎柳陰中。一片珠光齊吐。閃波心不定。雙眸疑是星流電舞。誰爲我喚起銀蟾。爭妍三五。

黃家舒

字漢臣無錫人

虞美人

六朝遺蹟餘金粉。玉樹何堪問。一般惆悵夜啼烏。消得

幾絲煙篆博山鑪 江南江北愁相續猶唱無愁曲黑

頭江令擅新詞不記臨春花月是何時

蔣無逸

字左箴江蘇華亭人

生查子

控勒出長安白馬嘶春色回首鳳凰樓片片愁雲隔  
三月小梅花落徧陰山北不道薄情人翻作傷心客

王袞錫

字補臣山陰人諸生有鵝還館詞

百字令

問伊知否小闌前幾度花朝月夕數盡歸鴉垂窄袖斜  
倚雲屏無力塵滿豪犀香銷寶鴨人靜瓶笙息別時私

語那堪愁裏相憶。獨上近水高樓。玉鈎銀蒜捲起蜻  
蜓翼。孤鶩落霞飛不盡。一片青山歷歷。蕙帶新寬杏衫  
乍冷。蓮臉輕珠滴綠窗。風細誰家今夜吹笛。

冒丹書

字青若如皋人襄  
子貢生有西堂詞

菩薩蠻

金鈴送響秋風至。來鴻淡寫長天字。字寫不成書。空勞  
度碧虛。井梧飄斷梗。素月橫清影。照影可曾雙。含羞

掩綠窗

董

字德仲青浦人有  
白谷山人集附詞

江城子

效山谷體

露桃枝上喚嬌鳥。怕春老。待春曉。三五盈盈。瓜字破來。  
早燕子。身材誰得似。張好好。蘇小小。藕絲衫。淡襯纖。  
縞鸞慵照蛾。慵掃真色。天香傳幅采。芝稿懊恨蹉跎紅。  
燭底波渺渺。風嫋嫋。

路鶴徵

字湘舞。江蘇華亭人。有晚香詞。

哨遍

登浦口平山雙翠樓。用東坡體。

浦口子城亂岫枕江。東有平山寺。聳碧楹。丹檻俯江陂。  
望江南。樓臺雲際翠靄迷。雨餘弄晴還晴。青螺突兀攢  
高髻。見雉堞參差。鳧鷖滅沒。帆檣高下如薺。更斷崖險  
巖燕橫磯。插翅逐朝煙暮霞飛。虎踞龍蟠。錦繡江山尙

饒王氣。噫。天慙神畿。六朝遺恨。胭脂膩。瓊樹歌未已。  
試新聲。爭旖旎。嘆睂井。燐青。景陽薜碧。衰螢黯。淡遺宮  
裏。看玉塵塵污。烏衣巷冷。新亭長。此流涕。只大江。日夜  
自東歸。飽閱盡。滄桑屢。更移。任神州。陸沈波沸。興亡總  
如兒戲。憑弔非吾事。但知臨水登山玩賞。領略春光而  
已。浮生如夢。莫獻歛。盡壺觴。且拚沈醉。

菩薩蠻 三絃

粵蛇虺。老花紋。緊香檀。紫桿文犀軫。桿狹柱難添。冰絃  
只放三。輕攏漫撚。處纖手。低相語。漱玉響。哀湍。月華  
裙上彈。

李式玉

字東琪錢塘人  
諸生有曼聲詞

拜星月慢

登三茅觀

拍岸銀濤參天翠鬣眼底江山信美。一帶丹城望仙宮  
雲際石闌畔留得湖山第一深刻。知是何年題字背擁  
金湖聽歌聲遙遞。法幢高小院松陰閉朝元罷新月  
簷端起我欲開煮丹砂把雲房料理。數生平誰是煙霞  
契醮壇外裊裊鑪香細待乘興更上前峯問希夷醒未。

季公琦

字希韓  
泰興人

百字令

紅橋野望

垂楊斫盡看荒原耕出幾多遺鏃十里紅樓無一在敗

瓦苔痕餘綠錦瑟聲微繡旂風颭兀自馳雕轂盈盈溝  
水臙脂賸有餘沐 坐待夕照西沈飄零塞雁如聽翁  
離曲略記董逃楊叛日丞相孤軍全覆鹿走空園鴉鳴  
華屋舊鬼啾啾哭且隨野老田閒閒拾枯竹

朱用純

字致一  
崑山人

滿江紅

過夏太常賜瑩太常名景工畫竹

書景清和試尋訪城南遺迹賸一簇濃煙低冪蕭條松  
柏殘碣尙誇恩遇盛一坏難免征求迫強支吾幸有子  
孫賢承先澤 問華表餘雙石看修竹森千尺似興酣  
揮灑當年遺墨多少玉魚金盃地年來半做鼪鼯穴蔭



長楸閒話夕陽前空悲惻

顧珵美

字輝六  
嘉善人

解珵令

高靴窄袖一般明秀。只盤龍兩肩低覆。似燕身輕。早跨上桃花馬。驟捉金鞭。半垂纖手。歌呼擊缶。伊涼競奏。恍哀鴻飛來隴右。江左繁華爭得似。關西田竇。滿銀盃。酪濃如酒。

倪

晉

字廷伯  
嘉善人

解珵令

秋夜聞蟋蟀

篆消香炷砧停玉杵。一聲聲霜前私語。爲甚因由。剛悽

斷天涯倦旅又催成閨中愁緒  
情深如訴恨長難敘  
費哀吟夜涼庭宇汝自悲秋  
偏愛向小窗叨絮最堪憐  
暗燈疎雨

胡

弗

字幼倩  
嘉善人

江南好

鶯鶯影剛在浣香亭竹蔭倒籠雙鬢綠  
苔痕細蹴半弓  
青應是步搖輕

周

芳

字天研  
慈溪人

千秋歲

贈王丹麓次韻

星移物換感憤消磨半日月  
逝滄桑變人方趨富貴君

自安貧賤兒孫外石渠尚有書千卷  
鉢擊春風宴劍舞秋雲亂杯在手何須嘆丹鉛從所好金紫非其願身  
外事彭殤顏壽無非幻

錢

理字紫曜武進人  
有白雪齋詞

點絳脣東風

餞臘迎春暗中吹綻江梅萼時過柳幕綠徧黃金索

幾日韶光不許多擔擱剛逢著亂紅零落卻道東皇錯

偷聲木蘭花

曉鶯啼倦人初起小院春光過半矣六幅瀟湘頓覺新  
來繡帶長 絲絲暮雨聲相續一樹梨花寒瘦玉門掩

黃昏絳萼挑殘更斷魂

仲嗣瑠

字田叔  
仁邠人

天仙子

寂寞深閨簾幕閉。几上獸鑪香細細。坐殘明月憶佳期。  
書頻寄。情空繫。夜夜燈花還自墜。千點傷心銀漏水。  
雙頰銷紅眉減翠。玉壺疏蕊照寒冰。心如醉。愁難寐。閒  
卻半牀紅錦被。

許

濰字箕屋  
長洲人

菩薩蠻

寒塘秋草芊芊碧。征鴻一去無消息。夜冷咽啼鵑。虛窗

人未眠。情知魂易斷。猶自歌團扇。抱夢昵青奴。生憎鸞影孤。

章

惟

字無恤武進人  
有春柔集附詞

喜遷鶯

京口有感用蔣竹山體

驚濤千折。看拍岸濺銀。捲天飛雪。畫裏揚州。望中瓜步。時有風帆幾葉。眼底山河如故。回首繁華非昔。曾此處。見橫江木杪。斷流鞭策。風咽。遙望是。兩點金焦。強把江流截。點綴煙波。徘徊蘆荻。剩有舊時明月。漫嗟景陽灰冷。又早臨春煙滅。且進酒。看沙明水淨。鳧鷖喙。喋。

蔣震暉

字蕉原江蘇華亭人

減字木蘭花

秋風落帽不分黃花和我老  
閱盡芳菲古墓寒鴉逐隊  
飛月明千里一角危樓誰共倚  
欲訴行雲爭奈姮娥  
不理人

高

兆

字雲客  
侯官人

千秋歲

贈王丹麓

朱顏漸換癡點平分半詩三拜詞三變盤桓三徑好意  
氣三公賤休只羨百城坐擁書千卷漫說年華晏短  
髮從撩亂閒弄筆供吟嘆但教尊酒滿了平生願君  
試看眼前多少煙雲幻

沈大綸

字允言  
慈溪人

千秋歲

次韻贈王丹麓

春秋頻換風雨牢愁半時事改年華變江湖原足樂高  
尚知非賤閒消遣空齋翻盡殘書卷 海宇方清宴雅  
奏關雎亂花漸落臨風嘆蕭蕭鬢髮影忽忽平生願君  
請看白雲蒼狗由他幻

吳

鏘

字聞璋  
吳江人

鵲橋仙

冒巢民先生招同望江樓登高後復於望  
日作展重陽會次韻奉酬

白衣送酒紅萸插鬢秋意最宜尋玩清歌一曲倚樓聽  
早不覺宮移羽換 良辰易過勝遊堪續新譜不妨頻

按青霜未下素娥臨展佳會剛逢月半

孫繼登

字波山  
常熟人

金縷曲

臘八日爲蔡女蘿少君初度巢民長兄招  
宴分賦次曹顧庵學士韻

繡戶猩簾卷看朝來晴光滿院嚴寒頓遣殺粉調鉛梁  
案側墨瀋淋漓如泣論風致洵稱繭繭寄意高梧棲彩  
鳳問修來此福應非淺鑪篆裊畫圖展

少君工畫鳳是  
日出以示客

芳名奚待茗華顯任人間新妝競巧釵圓髻扇自有  
煙雲充供養不羨地中犀犬只紅豆牽情未免簧暖笙  
清饒雅興萃嘉賓執爵行春典梅初綻韭堪剪

湯

寅

字谷賓丹  
陽人諸生



最高樓

題張氏隱居

金門路聊自謝牽縈投老趁秋成新巢細認前年燕好  
花頻囀去時鶯羨逢迎僧惠遠友於陵時則向柳邊  
高叱犢時則向籬邊閒采菊農與圃兩忘情草平煙渚  
還宜釣雲橫山路不妨行足平生看酒甕與茶鐺

陳之羣

字興公  
武康人

雙雙燕  
秋夜客思

又黃昏了聽敗葉敲窗。飢蟲鬧砌。蕭條客館。早把重門  
深閉。纔聽譙樓鼓起。已先自安排憔悴枕前多少鄉愁。  
遙隔吳江楚水。徙倚寒侵半臂。但斜背孤燈。自熏羅

被曉風殘月戀著愁人行李笑我滿懷歸思全不爲蕤  
羹鱸膾斷腸此際情悰縱有征鴻難寄。

蔡

燦

字漢明無錫  
人有容與詞

山花子

書帶垂垂拂檻青。杜鵑枝上露華零。半晌憑闌無一語。  
數春星。斟酌新題頻擱筆。推敲險韻屢挑燈。聽得喚  
眠佯不應待詩成。

南鄉子

清露溼疎篁。燈燼香銷夜漸長。獨立空階人靜悄。淒涼  
彈指聲中淚幾行。難解是愁腸。瘦影伶俜怎得雙想。

見箇人行樂處傳觴卻道溫柔別有鄉

沈聖清

字叔義  
仁和人

菩薩蠻

潮聲到枕三更後夢回雙淚沾羅袖  
月色轉虛檐春寒今夜添  
江城千里雪新歲鱗鴻絕已待不思量  
有時還斷腸

徐

震

字修雷里  
居未詳

踏莎行

輓海烈婦

春月空圓春花不久可憐鴛侶輕分手  
貞魂已化望夫山狂且錯認章臺柳  
密密針縫重重衣扣此心匪石

伊知否從來紅粉幾成名名留青史應難朽

楊慶徵

字燕又無錫人諸生

倦尋芳

繡簾半捲銀箭初長清悄庭宇雲鬢鬢鬆斜墮鈿頭釵  
股濃樹陰遮行色遠亂山翠疊春光暮怕登樓見橫橋  
斷岸綠淒迷處徧江畔纖枝嬌蕊知道箇人何地留  
住香冷鴛衾暗滴淚珠無數蝶翅尋芳魂一點柳絲織  
影愁千縷更淒涼送梨花夜來風雨

陳喆倫

字與里居均未詳

憶秦娥

用賀鑄體

路悠悠相思似水常東流常東流怪他雙燕故繞紅樓  
別來幽恨盈芳洲至今襟上啼痕留啼痕留舊愁未  
去又惹新愁